

INSTITUT ZA ZDRAVLJE I SIGURNOST HRANE ZENICA

ul. fra Ivana Jukića br. 2., Zenica

Broj: 02- 4260/25

Zenica, 12.11.2025.godine

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), direktor Instituta za zdravlje i sigurnost hrane Zenica, donosi

**ODLUKU
o poništenju postupka javne nabavke**

Član 1.

Poništava se postupak javne nabavke roba – Nabavka putničkih automobila u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici ugovornog organa (www.inz.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-4027/25 od 22.10.2025.godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-1-256-3-123/25 dana 22.10.2025. godine. Postupak nabavke provela je Komisija za javne nabavke imenovana Rješenjem broj: 02-4028/25 od 22.10.2025. godine.

U toku ocjene ponuda Komisija za provođenje postupka javne nabavke u ponudi ponuđača AUTO CENTAR GANJGO d.o.o. Matuzići-Doboj Jug utvrdila da isti nije dostavio dokaz o ispunjavanju zahtjeva iz tačke 3.4.2. a) tenderske dokumentacije koji se odnosi na obavezno dostavljanje kataloga, brošure, prospekta ili tehničke dokumentacije proizvođača sa detaljnim opisom tehničkih specifikacija ponuđenih vozila, u kojima su jasno obilježene sve tehničke karakteristike ponuđenih vozila, kao potvrdu ispunjenja zahtijevane tehničke specifikacije (na jednom od službenih jezika u BiH), kako je propisano u tenderskoj dokumentaciji.

Naime, ponuđač je dostavio dokument označen kao “katalog” po svom obliku (isprintane stranice uheftane jednom zakačkom), i dostavljen posebno uz ponudu. Takav dokument se ne prihvata kao dokaz u smislu propisanog uslova, jer je isti izrađen u formi ispisa koji je ponuđač mogao uvezati u ponudu, te nije dostavljen u skladu sa načinom propisanim tačkom 4.1. tenderske dokumentacije koja glasi: “Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.”

Pregledom dostavljenog dokumenta utvrđeno je da u istom nisu obilježene nikakve tehničke karakteristike ponuđenog vozila, pa se time ne može potvrditi ispunjenost zahtjeva iz tehničke specifikacije. Na osnovu navedenog, ponuda ponuđača se odbija kao nepravilna, jer ne ispunjava zahtjeve iz tenderske dokumentacije koji se odnose na tehničke specifikacije predmeta nabavke.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je utvrđeno da nema dostavljenih prihvatljivih ponuda odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti
1x AUTO CENTAR GANJGO d.o.o. Matuzići-Doboj Jug
1x www.inz.ba
1x arhiva



DIREKTOR

Dr.sci. Muamer Mandra, DVM

Sept.